



Inatsisartunut ilaasortaq Knud Fleischer, Kattusseqatigiit Partiiat  
Inatsisartut  
/MAANI

**Royal Greenland-imi akit ingerlatsinerlu pillugit Naalakkersuisunut § 37-ikkut apeqmmut nr. 2011-55-imut akissuteqaat**

Inatsisartut suleriaasianni § 37 imm. 1 naapertorlugu apequteqarsimavutit Royal Greenland A/S-imut tunngasunik ingerlatseqatigiiffiullu tunisisitsinermi akigititai kiisalu ingerlatsinerlut tunngasutigut apequtit allat pillugit.

**Apeqqutit:**

- 1: Royal Greenland ullumikkut ingerlalluarnermigut akissaqarlualersimanersoq akinik qaffaasinnaanermigut?.
- 2: Royal Greenlandip akinik qaffaaqattaarnermigut suna anguniarpaa?.
- 3: Nunaqarfinni imminut akilersinnangitsumik ingerlattisinnaaneq anguniarpaa?.
- 4: Unammineqarsinnangitsumik ingerlatsineq qanoq isumaqarpa?
- 5: Innutaasut anigaasaataat atorlugit tunitsiviusinnaasut unammineqarniarpaat?
- 6: Sooq Halibut greenland aatsaat aallartimmat qalerallit akii qaffanneqarpat?.
- 7: Sooq Haliput greenland aallartinngikkallarmalli akitsuinerit ingerlanneqarneq ajorpat?.
- 8: Siunissaq qanittumi Royal Greenland amigartooqqinnginniarpaat?

Aallarniutigalugu erseqqissaatigineqassaaq, Naalakkersuisut isumaqarmata, apeqqutit taamatut ittut, aalajangersimasumillu Royal Greenland-imi akilersuisarnikkut ingerlatsinikkullu iliuutsinut tunngasut Naalakkersuisut oqartussaaffigisaanniinngimmata, taamaattumik Inatsisartut Suleriaasianni § 37 imm. 2 naapertorlugu apeqqutigineqartut akineqarsinnaanngillat.

Pisumili matumani Royal Greenland-imut saaffiginnissuteqarsimavunga apeqqutigineqartunullu akissutinik qinnuteqarsimallunga.

Royal Greenland-imut saaffiginninnnut atatillugu nalunaarutigisinnaavara, apeqqutigineqartunut 8-inut naammaginatsumik aalajangersimasunik akissuteqarnissamat ingerlatseqatigiiffik ikiuussinnaanngimmat. Royal Greenland-illi nalunaarutigaa, ingerlatseqatigiiffiup tamatigut tunitsivimmi inissisimanini illersortuaannarniarmagu aningaasaliissutigineqarsimasut akilersorniarsariniarlugit. Taamaasiortoqartarpoq niuernikkut isiginnilluni taamaasilluni ingerlatseqatigiiffiup piffissami sivikitsumi sivisuumilu piuinnaarsinnaanera qularnaarneqarluni.

Inassutigineqassaaq, apeqqutit taamaattut siunissami ingerlatseqatigiiffimmut najugalimmulluunniit toqqaannartumik apeqqutigineqartassammata Naalakkersuisunuunngitsaq.

Inussiarnersumik inuulluaqqusillunga

Ane Hansen

02. marts 2011  
Sagsnr. 2011-046616  
Dok. Nr. 574913

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl  
www.nanoq.gl